

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Disputatio Theologica De Poenitentia Infantum Qua
Occasione Oraculi, Joel. II, 16. ...**

**Chladni, Martin
Schroeder, Johann
Vitembergae, 1719**

VD18 11653507

§. XVII.

[urn:nbn:de:bsz:31-130424](https://nbn-resolving.org/urn:nbn:de:bsz:31-130424)

VII. *Fructus Baptismi*, qui est renovatio Spiritus S. ad
cujus actus speciales etiam pertinet operatio poenitentiae
subinde repetendae & peragendae. Unde LUTHERVS in
Catechesi majori p. 550. *Resipiscencia aut poenitentia nihil
aliud est, quam regressus quidam & reditus ad Baptismum,
ut illud iterum petatur & exerceatur, quod ante quidem in-
ceptum & tamen negligentia intermissum.* Nil itaque fa-
cilius Spiritui S. quam vires in regeneratione datas et-
iam in infantibus ulterius augere & poenitentiam novam
largiri.

§. XVII. Si qua igitur supersint dubia, haud diffi-
culter tollentur. Nam si dicatur I. *infantes ideo saltem
congregatos fuisse, ut vagitu suo DEVM iratum leniant,*
revera tribuitur vagitui, quod operationi Spiritus S. tribu-
endum erat, DEVS enim non movetur vagitu, sed poe-
nitentia vera. Quod II. dicitur, *per parvulos adductos et-
iam adultos eo magis ad preces fundendas incitari,* non tol-
lit in illis poenitentiam, sed firmiter potius eam ponit, sola
enim praesentia parum facit incitamenti, sed plus affert im-
pedimenti orantibus. Quando III. dicitur *agnitionem
peccati & dolorem in infantes non cadere,* vereor, ne ope-
ratio Spiritus S. in infantibus nimium coarctetur & restrin-
gatur, quid enim facilius quam dolorem perinde ac fidu-
ciam, agnitionem peccati perinde quam agnitionem Chri-
sti operari? Etsi IV. objiciatur, *infantes neque dextram
neque sinistram nosse:* absolute illud non esse capiendum
facile quilibet videt, alioqui enim etiam omni notitia na-
turali & salvifica destituerentur infantes, quod tamen ali-
ter se habet. Quando V. dicitur: *Peccatum non per poe-
nitentiam, sed per baptismum, expiari,* recte tribuitur Ba-
ptismo remissio peccatorum, non tamen excludi possunt
actus gratiae Spiritus S. applicatorii reliqui. Si dubium

D

sit,

fit, VI. *an Scriptura jubeat Infantes μετανοεῖν*, facile illud tollitur per universalitatem prædicationis ad omnes homines, a quorum numero cur excludi debeant infantes, causa non est, unde probari nequit saltem, & cum exclusione horum, ad adultos dirigi; neque sequitur VII. *frustra prædicari verbum, si infantes hortationes ad poenitentiam non percipiant*, efficacia enim verbi & operatio Spiritus S. quoad modum nos latet, cum vis illa sit interna & abscondita. Hebr. IV, 12.

§. XVIII. Sublatis his dubiis, quotquot memini extantiora occurrisse, hoc præterea notandum puto, quod supra adducti Theologi nostratis ecclesiæ præstantissimi, uti quidem prima videntur fronte, inter se non revera pugnent, unde conciliari inter se possunt. Qui enim negant, *Infantibus competere poenitentiam*, procul dubio intelligunt tum *activam*, tum *passivam* cum *actu quodam reflexo*, tam *intellectus*, quam *voluntatis*, minime vero negant *operationem Spiritus S. producentem vel contritionem, vel contritionis*, qua est in adultis aliquod *analogon*, tum in ipso baptismo & per baptismum, tum post baptismum. Huc tendit procul dubio mens B. AFFELMANNI quando de hac materia loquitur: *Aretio quidam ex Orthodoxis ad stipulari, quidam refragari videri possent. Nos Orthodoxos Theologos conciliare conabimur: Aretii autem sententiam ex augustis Scripturae tabulis refutabimus p. 805.* Illam vero mentem ipsis sedisse, ex mediis terminis apparet non obscure, quibus thesin suam probare intendunt. Et idem re vera volunt, quando *conversionem* non omnem, sed *propriissime dictam*, *infantibus denegant*, hoc est per omnia talem, qualis exercetur a Spiritu S. in adultis, quibus verbum legis & Evangelii primum prædicatum est, quo recte percepto & ad mentem revocato voluntaria confessione prius edita